

Guiando e caminda pa dilanti:

Introduciendo e rector nobo di Universidad di Aruba

UNIVERSIDAD di Aruba a nombra Sue-Ann Lee como e proximo Rector di Universidad di Aruba, efectivo 1 di juli, 2025. Un Arubiano, Sue-Ann Lee tin 19 luna ta comparti e funcion di Rector Interino y tin 3 aña como decano di e facultad *“Hospitality and Tourism Management Studies”* na Universidad di Aruba (UA).

E la cuminsa su carera den turismo y mercadeo y despues di varios aña di experiencia a dicidi di drenta e sector di educacion como Lector Academico na UA. Cu su experticio den industria di turismo e la contribui pa varios aña na e educacion den e facultad y na 2022 a logra e posicion di Decano.

Den su tarea nobo como Rector, Sue-Ann Lee ta trece liderazgo, experiencia, y un pasion grandi pa avance den conocimiento, innovacion y conexion cu e comunidad. Su mision lo ta pa excelencia academico, crecimiento inclusivo y pa fortifica e impacto di e Universidad localmente y globalmente.



“Libertad”

NO ta importa, ken bo ta
Basta cu bo conoce bo derechonan.
Ken ami ta? Ken abo ta?
Mi ta pover of mi ta rico? Acaso, no ta
nos tur ta igual? Na unda ami ta sinti
mi na cas? Bo a nace aki of leu di aki?
mi antepasadonan a bisa mi
t’aki, mi lombrishi ta dera, T’aki, ta mi
cas.



Tur hende tin derecho riba un bida
digno y di existi. Bo ta kere den Dios
of den Alah?

No tin diferencia,
Nan ta mescos, y nos tur ta mescos;
Descendiente di Africa of di Indian
Caribense Kalinago Nos tur ta crea
door di nos todopoderoso Dios.

Cantando e himno y canticanan di
catibonan cu determinacion. Nan a

bringa pa bo y pa mi, pa nos tin nos
libertad.

Libertad, esey e ta,
Nos tin derecho y ta merece un bida
humano. Nos tin derecho ariba nos
propio storia.

Nos propio Historia.

Un pasado yena cu buraco,
Historianan no conta,
Ta bira tempo pa yena esaki cu nos
orguyo
Y laga tur hende y nos yiunan sa ta
ken nos ta; Mi nomber, bo nomber, nos
mesun idioma, Mi cas, nos cas, nos
propio pais y hopi mas.

Awo y awe nos mester tin e curashi pa
ta y sinti completo atrobe
fuerte y manera hero, niun hende no
por dobel No tin miedo pa vocifera nos
pensamentonan, Nan ta parti di bo
sentimentonan

Nos por sigui atrobe, pasobra nos tin
un bida nos dilanti, Ata, hari, wak, solo
a sali atrobe,

Un dia nobo den pleno libertad

©Samuel Dumfries Juni 2024-
Unchained